
 <small>UNIVERSITÄT WIEN VON 1284</small>	5891	Kath. Komp.
	III Mag. St. Dr. P	



5891

III



FÆDUS

Laureati Triumphi, 0410

Post peractum in Arena Literaria certamen
Inter VII. VV. DD. Primæ Laureæ Candidatos,
Dum

In Alma Universitate Cracoviensi

PER

CLARISSIMUM AC EXCELLENTISSIMUM D.
M. ANTONIUM NICOLAUM
KRZANOWSKI,

Philosophiæ DOCTOREM, Collegam Minorem, Ordinarium Astro-
nomiæ PROFESSOREM, GEOMETRAM Iuratum, ac protunc
Philosophicæ Facultatis DECANVM.

In Amplissima Nobilissimorum Hospitum Præsentia
Artium Liberalium & Philosophiæ Baccalaurei
Ritu Solenni crearentur;

PROPOSITUM;

In vim Fraternali affectûs, & gratulatorij plausûs

PER

ANTONIUM STANISLAUM

DE GRZYZOW

CZARNEK

Ejusdem Laureæ Candidatum

Carminè Poëtico

EXPLICATUM.

Annò Domini 1735. Die 5ta Mensis Novembris.

CRACOVIAE TYPIS UNIVERSITATIS.

Ob.

IN
GENTILITIUM STEMMA
PERVETUSTÆ DOMUS
RVSOCCIORVM.



Ite procul tenebræ, procul atræ cedite noctes;
Dum serit in mundum lumina tanta LEO.
Hic quòcunque sui flammantia dirigit ora,
Luce nitent multò candidiore dies.

PERILLUSTRI ET MAGNIFICO DOMINO,
D. STANISLAO
DE BRZEZIE
RUSSOCKI,
Colonello Exercitus Serenissimæ Reipublicæ,
Domino Mecænati
Colendissimo.



D virentia Domestica gloriæ Tuæ trophæa
Laureatos triumphos Nostros juncto fœdere
deferimus, ut ab illis eminentiores redeant.
Perillustri & Magnifice Domine.
Illis enim solis proprium est ornare Patriam
& Ecclesiam, decorare Senatum & altaria, illustrare Curules
& aras, pari utraq; lumine & Majestate. Ornarunt in ma-
gnis aboriginibus Tuis Purpuras, & eminuerunt pulchrius:
decorârunt in Atavis sacros Civilesq; Fasces, & refulserunt ho-
norificentius: illustrârunt in Majoribus victricis Gradivi signa,
& resplenduerunt decentius; acsi toto in ea redundarent lumina
fonte. Hinc est, quòd in Illustrissima Domo Tua ma-
ximi quantumvis tituli suos quærunt honores, suam poscant
Insignia pompam, non aliter decora futura, nisi se ad plenitudi-
nem Patriæ lucis Tuæ, quam LEO Gentilitius ore patulo
refert, admoveant. Lux ista à Regnorum solibus derivata

)(1)(

primum

primum in strenuissimis **ZADORORVM** pectoribus,
deinde in tot primæ magnitudinis sideribus, quot **RVSSOC-**
CIIS, magnis Tibi comparibus Majoribus emicuit, ac quâdam
sui propagatione crevit in tantum; ut totus ab ea inclaresce-
ret Septentrio. Meridies tantorum splendorum primum sub
KRYVOVSTO REGE sumpsit diluculum, nimirum
ab illustribus dexterrimi **ZADORÆ** factis, qui è Britan-
nia, Gallia, Flammivomum in Stemmata comitem sibi nactus
LEONEM, feralem barbaris erroribus succendit pyram, fe-
citquè abhinc Lechiæ clarescere cunctos luce meliore dies. Ex-
perta est tales Patria sub Illustrissimo Sacrorum Antistite
& Vratislaviæ dignissimo **PRÆSULE VALTERO**
ZADORA. Experta sub **SBIGNEO PREDBO-**
RIO & **PACOSLAO** cordatissimis Domûs **ZA-**
DORORVM Proceribus, qui sicut ingentibus meritis repleverunt
Patriam, sic maximis generosè partis triumphis Tuum magni-
ficum coronarunt Nomen, ut vernare per sæcula posset. Ver-
navit (ut reverentè silentio colam alios) in Magnifico Domino
STANISLAO de Brzezie **RVSSOCKI**, Equite
Polono plurimarum olim Virtutum & meritorum Viro, di-
gno inter suprema terrarum recenseri numina, dicique Patriæ
Pater, consilio & ope valens, nisi obsequijs ejus immori, Sagôque
ornari potius eligeret, quàm Togâ. Quis rediuvivi Martis istius
magnanimos edisseret ausus? quis gloriosè obtentas nume-
rabit Victorias? quis longo recensendas numerò, brevi carmine colli-
get Virtutes? Collegit has, inò unus omnes in se retinuit Per-
illustris olim & Magnificus Dominus **NICOLA-**
VS RVSSOCKI Pater Tuus æstimatissimus; in quo
Animi fortitudinem, ingenij præstantiam, cordis innocentis can-
dorem, sollicitam Boni communis curam, ferventemque pro
Aris & focis Zelum stupuerunt cuncti, celebrarunt singuli, lau-
darunt universi. Eminentiam Virtutis claritati generis an-
teponens, exclusit omnem ab animo fastum, à mente arrogan-
tiam, à sermone dolum; unde hinc evenit, ut in omnium cor-
dibus

dibus totus, totus habitaret in amore & non Civium tantum,
sed Principum, etiam & Regum. Singula Probi huius Sar-
matici merita flores fuere rosei, & quanquam his Domum
suam cumulatissime ornâverit, adhuc tamen Gentilitias è Vi-
reto **SILNICIORVM ROSAS** Connubiali cum Ma-
gnifica **CATHARINA SILNICKA** Matre
Tua Dignissima pertraxit nexu, ut ornatorem & maje-
stuosorem redderet. Et jam gratulari sibi nativi Penates Chlo-
ridem istam videntur, quòd fragrantibus ab ea redimiti folijs
certare de cultu cum Superis possunt, atque Cælum versus fron-
tes inferre roseas, quò altitudo generis & ferventissima illius
in **DEUM** pietas nisu pertingit sollicito. Nectant se **CA-
THARINÆ** in Coronam sidera, quæ mente meditatur
devotâ, ego in arcum triumphalem Magnis Heroibus **AN-
TONIO FRANCISCO IOANNI &
NICOLAO RVSSOCCIIS** Germanis
Fratribus Tuis, quos adorare parant triumphi & maximi
præmiare honores, flexile inclino collum, dùm Tu mihi jam,
in paginam venis **MECÆNAS GRATIOSISIME**
tenuem pennam & genium in Tua trahens elogia. Quid enim
in te singulari non dignum elogio? quid ampla non capax Pa-
negyri? Majestas Tua & frontis gravitas, rebus in agen-
dis prudentia & dexteritas, ingenij sublimitas & animi can-
dor, calamos poscunt ut scribantur, & æternantibus consignen-
tur literis. Mirata est in Te Heroicam à teneris indolem
Pallas fagellonica, & qualitatum Tuarum conscia jam tunc
cùm chebym Parnassiam exercito pollice tangeres, cognovit, aptam
tendendo arcui manum & membra accomoda bello. Et nec
augurium istud fefellit, cùm Te fortissimum Hectorem, qui post-
hac Ecclesiam & Patriam tuereris, salutârunt castra, & cum
gaudio Mars ipse recepit. Non invidemus hîc suos Thebis
Epaminondas Romæq; Camillos, cùm Te Camillis omnibus po-
tiores veneratur Patria, Exercitus sui Colonellum, qui
indomita pectoris fortitudine adversanti fortunæ obsisteres, ex-

tremis ferens medicamina rebus. Quo fervore? aut quo zeli ardore hostiles turmas aggredieris? LEO Gentilitius indicat; cujus Tu fortitudinem imitatus, toto in praelia ferves spiritu, pulchram quærendo per vulnera mortem. Testes sunt magnanimitatis Tuæ tot relati ex hostibus triumpho, tot natæ è tumultu palmæ; testis, vocalissima in Orbe Operum Tuorum fama, quæ Magnitudinem meritorum Tuorum tubis sonantibus evulgando, præsentem pagellam pertraxit, & præconem gloriæ Tuæ fecit. Et cum hinc altitudinem Nominis Tui attingere, vastitatem operum emetiri, colligatarum in partem Honoris Tui venientium Domorum splendores comprehendere exilis nequit calamus, plantis se tantummodo Tuis venerabundus substernit, hæc exarans vota: ut Illustrissima Domus Tua præter inextinctam Gentilitij LEONIS flammam indefinente omnigenæ prosperitatis fulgeat serenô, fiatq; cujusvis in Orbe eminentiæ sublime fastigium & apex. Huc fasces, huc ostræ ferat, tum cætera dona celsus honos, ut his MÆCENAS Grati-
osissime felix & longævus præsit. Ita precatur.

Perillustri & Magnificæ Dominationis Vestræ

Devotissimus Client & humilis Servus

STANISLAUS ANTONIVS

De Grusow

C Z A R N E K,

AUTHOR OPERIS.

MAGNO LABORUM
APPRETIATORI

ET

LAUREATORUM TRIUMPHORUM
ASSERTORI.
D. JOANNI
CANTIO,

Sacrae Theologiae DOCTORI & PROFESSORI,
Regni Poloniae, & Universitatis Cracoviensis,

PATRONO,
Neocandidati

Hanc apponunt Epigraphen.

Tibi Fædus amoris.

AUgeat summos cupidus Favores
Orbis in plausus, favet arte cunctis
CANTIUS; tanto placeat Patrono
Plaudere semper.

Digne quo pridem solio Magister
Hocce, cælestem veniens in aulam
Ex loco, quo nos petimus JOANNES,
Gaudia sumis.

Es decus Cæli decus & Patronus
Singulae Gentis, juvenum lucerna
Mentium, necnon Lechicæ serena
Gemma Coronæ.

Fædus & fortem nimium beatam
Cum DEO jactans, locuplete reple
Gloriâ terras, bona dando, cunctos
Multa per annos.

Quisquis acclinat caput ad coronam,
Mente devotâ celer adsit ipse
In tuas laudes, referet triumphos
Te Duce felix.

Quos coronârunt viridi labores
Fronde, quos Pallas bona præmiavit;
Addis his ingens pretium, decusq;

Dive IOANNES.

Umbra, sudores, tenuis merentur,
Et vapor dici; tamen ignis instar,
Ista, Te lucis radios serente,

Umbra coruscat.

Plaudimus magno Tibi Laurearum
Distributori, quia ni fuisses
Tu Dator, nunquam redimita fertis
Frons foret amplis.

Gratiam præstes Columen clientum,
Ut procul quævis fugiant opertas
Laureis frontes mala fata, nostras

Protege partes.

Pandimus pectus, pariterq; colla
In pios proni sinuamus arcus,
Ac in æternans anathema nostra
Corda litamus.

Illustribus

Illustribus Clarissimis ac Excellentissimis Dominis,
DD. EXAMINATORIBUS,

Illustri Clarissimo ac Excellentissimo Domino,

**D. M. A N T O N I O
K R Z A N O W S K I,**

Philosophiæ DOCTORI, Collegæ Minori, Ordinario Astronomiæ
PROFESSORI, GEOMETRÆ Iurato, ac protunc
Philosophicæ Facultatis DECANO.

Illustri Clarissimo & Admodum Reverendo Domino,

**D. M. F L O R I A N O
L A C H O W I C Z,**

Philosophiæ DOCTORI, & PROFESSORI, Collegæ Majori, Eccle-
siæ Collegiatae Sanctæ ANNÆ CANONICO.

Clarissimo & Excellentissimo Domino

**D. M. F R A N C I S C O de Paula
K I E L A R O W I C Z,**

Philosophiæ DOCTORI, in Collegio Minori Ordinario
Pœseos PROFESSORI.

In vim debitæ gratitudinis & venerationis

Eruunt Epigraphen.

Fædus Obsequii.

PRæcelsa laus est conspicuum decus,
Formare plausus; gloria singula,
Vobis honorem connotare,
Symbola qui probitatis estis.
Semper favores innocui manent,
Erga Clientes; discipulos quoq;
Semper manetis gratiosi,
Cum veniat labor in triumphum.

B

De

De frontē digna gloria Palladi
A mente docta magna Studentibus,
Fortuna plaudit, quam litatis
Omnibus ingenijs solutis.
Estis polaris lumina sideris
In Orbe lucet fama beator
Vestrū, quibus suprema virtus
Dat jubar in Cathedris loquendi.
Mens alta vestrū semper acumina
Format, peractæ cum Sapientibus
Lites disertæ ac eruditæ
Exhilarant recreantque.
In te supremus laudis apex manet,
Te gloriosus fonte scienciæ
Conspergit amnis; qui decenter
Murice purpureo rubescis.
KRANOWSKI. In artes evigilas Sophus
Assumis illas ut doceas; places
Hinc omnibus perfectione,
Exsuperans animo Platonēs.
Dum Tu peroras Mercurius tacet,
Collaudat Orbis, concitat Incolas;
Vt Te sciant, dignum Magistrum
Gloria magna cui paranda est.
Verum Magistrum purpura nuntiat,
Virtute cellum facta norant; cui
Plausus sit à nobis honorq;
Perpetuo renovandus ævō.
En Musa plaudit carmine Præsidi,
Encomiorum format imagines
Non cessat à Metro Pœsis
Pingere dum nequeat colores
Relinquo plausus vota fero Tibi
Vt mille vivas sæcula candidus
Nestor sumptum profuturis
In titulis capiens serenum.

Dum

Dum cerno dotēs alterius Viri
 Formare Laudes jam propero Sopho
 Placere qui multis videtur
 Multiplici capitis talent ō.
 Iustē secundum conspiciamus Virum
 Examinantem, magna cui parat
 Virtus stupendum munus; hoc est
 Dulce per omnia sæcla Nomen.
 Adest secundus doctus amabilis,
 Perfectus, augens præmia gloriæ,
 Colendus arte per labores
 Continuus celeresq; partâ.
 Es FLORIANVS, suscipe flosculos
 Sinceritatis, conspice floridos
 Semper Clientes qui studemus
 Condere corde Tuos favores.
 Laudare non est exiguus labor,
 Magni momenti, quod gerit altior
 Mens tertij: Vir iste visus
 In Sophicis bene stare ludis
 Obscura vincis dubia promptiùs
 Resolvis acri dicta peritiâ
 Hanc Te putamus vendicatam
 Sedibus æthereis habere.
 Quapropter istinc vivite singuli
 Quòd contulistis munera frontibus
 Nostris, perennes; & serenos
 Perpetuò sine Nube Soles



FÆDUS Laureati Triumphi

Post peractum in Arena Literaria certamen
Inter VII. VV. DD. Primæ Laureæ Candidatos,

PROPOSITUM,

II. V. D. THOMÆ MAIKRZYCKI,

Fædus applicatur Sapientiæ
Cum Lemmate

Premiat optimè.

NON quæro quantum quæsitæ scientia præstat?
NCondecorat Reges appretiat tenues.

Hi tantum florent quibus est Sapientia præsens;

Id pariter de Te dicere tento THOMA.

MAIKRZYCKI, Pallas cui cōtulit inclyta laurum,

Doctum ut cum doctis Fædus inire queas.

Clarior assurges hunc si servabis amorem

Artis, quem dicis pectoris esse tui.

Pulchrius ornabit vernans tua tempora laurus,

Hujus sis certus cum vigil esse cupis.

Sint Tibi continui celeresq; ex asse labores

Certifico faustus: nuntio, clarus eris.

III. V. D. CASIMIRO BODURKIEWICZ,

Fædus Catonis insinuatur

Cum Lemmate.

Morum in gravitate virtus.

ALtam ne taceas Musa scientiam,

Quam mores decorant conspicui Viri

Catonis, videas gloria quanta sit

Rebus semper in arduis.

Hic

Hic est Vir celebris, dignus adorea
Laudis, qui remanet continuo gravis
Est semper placidus, semper amabilis,
 Illi laurea competit.
Constantem video Palladis Accolam
Te, mens alta cui docte BODURKIEWICZ:
Sertum quod recipis non sine laudibus
 Exornat tua tempora.
Lustrâras alacer multa volumina,
Gemmas docta ceu dogmata colligens;
Hinc est, quod celeri mente resolvere
 Nodos sufficias Sophus.
Virtus dura petit, praelia plurimæ
Vt laudis pretium comparet arduis
Factis, victor ades fas viridem Tibi
 Nanciscaris adorem.

IV.V.D. THOMÆ WITKOWSKI,

Fædus Orestis & Piladis offertur

Cum Lemmate

In amore tutior fraterno.

Qui lites refugit, non favet usibus
Perversis hominum; sed sequitur viros
Quos concordia semper
 Laudat cordis & unio,
Illi dat solium laudis, ut interest
Conservatus amor, nec sine præmio
Famæ Nobilioris
 Nexum linquit Oresteum.
Hoc nexu gremio consociatus es
Nostro, fecit amor pectore de Tuo
WITKOWSKI exsiliens quod
 Pulchrâ cingere laureâ.

C

Ut

Vt tandem valeas in Sapientium
Consultis, animi dat pretium vigor
Lampas clara Cleanthis
Menti lumina suggerit.
Sic Te Pallas amet, sic nova sedulo
Succedant genio munera, nec Tuos
Fallat iusta labores,
Alta ex fede solutio.

V. V. D. PETRO MACHOWSKI,
Fædus Cleanthis accenditur
Cum Lemmate.

In labore vita.

ET labor ingentes animis conferre favores
Non finit, hic cunctos condecorare solet
Augustus labor, angustus nunquam solet esse
Ille qui pugnat, victor adest Sapiens.
Hoc tu pugnavisti, nunc doctus sume coronam
Cinge caput, meritum sic decet ire virum.
Complaceat passum vitæ curare secundum
Ecce Cleanthis fax: ecce lucerna favet.
Augustum Nomen portas, augustior Ipse
Assurges, dum non ferre pigebit onus.
Ex humili quàmvis consurges, altiùs acrem
Curres cum duro quando labore viam.

VI. V. D. ANTONIO KOCIKOWSKI,
Fædus Platonis appretiatur,
Cum Lemmate.

Sublimitate sola.

Pluchriùs stellis renitet corona
Inclytæ fronti, superos triones
Mente quæ novit penetrare doctâ
Ingeniôque. Hinc

Hinc Camænis te similem videri
Orbis affirmat, studiô laboris
Quod cupis Stoæ satagisq; rerum,
Abdita nôsse.

Plus ne solertis probitate mentis?
An vales annis? minûs est petendum.
Pallas exortam quia sponte litem
Docta diremit.

Dum locum frontes Tibi laureatas
Inter inscripsit, voluitq; Te ipsum
Cæteris semper similem videri
Compare vittâ.

Ergo jam laurum capias virentem,
Hæc perennantis decus atq; fulgor
Gloriæ fiet, similisq; fiet
Arrabo famæ.

VII. V. D. JACOBO MARCISZOWSKI,
Fædus libertatis statuitur

Cum Lemmate

Omnibus æqua

Magnos hoc recreat delictum Viros
Libertate quod inclyti.
Aurum cedit huic cum pretio decus
Vt primum capiat locum.
Semper Magnus non popularis est
Liber qui sibi. Tu venis
Ornatus meritîs, tumquæ laboribûs
MARCISZOWSKI, operi Tuo
Debetur pretium quod varijs datur
Vt leges habeant suas.
Cingit sat celebris tempora laurea
Fronti dat sua præmia,
Præstant signa Tibi munera Palladis
Quod sis liber & altior.

Ibis

Ibis summa petens tramite gloriæ
Sursum; sis nisi pervigil,
Ne frons fronte tua laurea marceat,
Hanc sudore riga crebrô.

I. V. D. ANTONIO STANISLAO
DE GRYSZOW

C Z A R N E K,
Ejusdem Laureæ Candidato,
AUTHORI OPERIS,

In vim mutui affectûs,
V. D. CASIMIRUS BODURKIEWICZ
Fædus Zenonis acclinat.

Cum Lemmate;

In pluribus Author.

GRande decus studij multos virtute favores
Exsuperas nostros, qui tua facta gerunt.
Mitto quod Patriæ sis natus Filius altô
CZARNKORVM veniens Sâguine Progenies.
Sufficit ad laudem quod nostrum prælia primus
Gessisti, vincens dura labore Tuo.
Non est crede mihi virtuti gloria major,
Quàm sic Palladijs corradare pyris,
Suspicit ingentes laudis generosius ignes
Succensi quando lumina magna ferunt.
Sole sub hoc clares CZARNEK, cui munera Pallas
Offert in ferto, lumina tanta vides.
Ingeniô docilis, promptus laudabilis atque
Continuus libris, contiguusq; Sophis.
Convenit egregijs factis laus atq; Corona
Cerne coronatus, sæcula mille precor.

Permissu Magnifici Domini
R E C T O R I S.



